



Oachimus Fortius Antuerpiæ natus & educatus est. hic cum preclara indole esset insignis, à teneris annis operā literis dedit atq; primis rudimentis in patria perceptis sese ad Louaniensem academiam contulit. In ea magna diligentia liberalibus artibus & Philosophiae incubuit, atque in ijs plurimum profecit. Itaq; eas artes postea docēdo & scribendo ita excoluit, ut passim inter doctos magnū sibi nomen compararit. Nam anno circiter 1529 scripsit librum De ratione studij, atq; Elegātias de proprio usu & differentijs quarūdam uocum apud Latinos: libellum De usu uocum quę non flectuntur: De conscribendis uersib;: Elementa Grammaticæ Græcæ, Dialecticam, & Rheticam: De figuris & uitijis orationis: De formis dicendi: De periodis: Synonyma: Desphera: libros tres Institutionum Astronomicarum: Cosmographiam: librum De tempore: Optica & chaos Mathematicū: Arithmeticam: De horoscopo: De Astrologia & Geomantia: De urina non uisa: De interpretatione somniorum: experimenta: librum De homine, & alia huiusmodi, ita ut totum ferè disciplinarum círculum absoluerit, & simul publicarit. Vnde eius studia omnibus literarū cultorib; gratissima fuerunt. Tandem uero ipse senex uiam uniuersę carnis ingressus mortales reliquit. Con. Gess.